



# NHIF AFYA NJEMA

ISBN NO. 798-9987-9484 | TANZANIA | TOLEO LA 017 | DEC. 2021

ISO 9001:2015 CERTIFIED

HALIUZWI


**NHIF**  
Dedicated to providing quality health Care

**NHIF**  
**Mobile APP**

Inapatikana

GET IT ON  
 Google Play

Available on the  
 App Store



# 2001 - 2021

## #Miaka20yaNHIF



# YALIYOMO

Maoni ya Mhariri .....	4
Tunawashukuru kwa kuichagua na kuiamini NHIF .....	5
Mama Anna Abdallah asimulia uanzishwaji NHIF .....	6
Dunduliza na NHIF .....	8
Matukio katika PICHA .....	10
Matukio ya kilele cha Miaka 20 ya NHIF .....	12
TOTO Afya .....	14
Miaka 60 ya Uhuru .....	16
Wanafunzi wafurahia uwepo wa NHIF na huduma zake ..	22
Jinsi ya kujisajili kwa njia ya Mtandao .....	24

# Jarida la NHIF AFYA NJEMA



JARIDA HILI HUTOLEWA  
NA KUCHAPISHWA NA  
MFUKO WA TAIFA WA BIMA  
YA AFYA  
S.L.P 1437  
DODOMA TANZANIA

## BODI YA UHARIRI

**Mwenyekiti**  
Anjela Mziray

**Wajumbe**  
Celestine Muganga  
David Sikaponda  
Victor Wanzagi  
Cosmas Mogasa  
Rose Temba  
Derick Ndyetabula

**Mhariri wa habari**  
Grace Michael

**MSANIFU KURASA**  
Charles Madangi

# MAONI YA MHARIRI

## MWAKA 2022 JIHAKIKISHIE HUDUMA ZA MATIBABU KUPITIA NHIF

Kuna usemi unaosema "Mtaji wa Mwananchi ni afya yake mwenyewe". Usemi huu kwa maana nyingine unatukumbusha kuwa hauwezi kutekeleza shughuli yoyote ya kimaendeleo bila kuwa na afya iliyo njema.

Ili kufanikisha kuwa na afya njema yapo masuala mbalimbali ya kuzingatia ikiwemo kuishi mtindo bora wa maisha unaozingatia ulaji wa vyakula ulio bora na mazoezi ili kuepukana na magonjwa yasiyoambukiza lakini pia kujihakikishia upatikanaji wa huduma za matibabu pale unapokuwa umeugua.

Njia bora ya kujihakikishia upatikanaji wa matibabu wakati wote ni kuwa ndani ya Mfuko wa Taifa wa Bima ya Afya amba unagharamia huduma zote za matibabu pale mwanachama wake anapokuwa amepatwa na maradhi.

Watu wengi wamekuwa wakiingia katika umasikini mkubwa ndani ya familia zao kutokana na mmoja wa wanafamilia kupatwa na maradhi yanayohitaji gharama kubwa hivyo kuwalazimu kuuza mali ili kupata fedha za kulipia huduma za matibabu tofauti na familia mbazo zimejiunga na Mfuko zinalipwa gharama za matibabu pale wanapokuwa

na mgonjwa.

Ni ukweli usiopingika kuwa gharama za matibabu kwa sasa ni kubwa kutokana na kukua kwa teknolojia ya matibabu ambayo inatumia vifaa tiba vyta kisasa zaidi katika kutibu hivyo kwa mwanachi wa kawaida ni ngumu kumudu gharama hizo za matibabu.

Mfuko wa Taifa wa Bima ya Afya kwa kuliona hili, ulihakikisha unakuja na mpango kabambe unaomwezesha kilamwananchi kuwa mwanachama wake na mpango huu unajulikana kama mpango wa Vifurushi amba mwananchi anachagua huduma anzotaka kulingana na uwezo wake.

Tunapouanza mwaka mpya wa 2022, niwasih sana wananchi amba wako nje ya bima ya afya kuhakikisha wanajiunga wao na familia zao ili kuwa na uhakika wa matibabu wakati wowote matibabu yanapohitajika.

Huduma za Mfuko kwa sasa zinapatikana kwenye zaidi ya Vituo vya kutolea huduma 8,000 ambavyo vimesajiliwa kutoahuduma kwawanachama wa Mfuko lakini pia huduma za msingi na za kitaalam zinatolewa na Mfuko hivyo uhakika wa matibabu ni mkubwa unapokuwa ndani ya NHIF.



Bernard Konga

Mkurugenzi Mkuu wa NHIF

## TUNAWASHUKURU KWA KUICHAGUA NA KUIAMINI NHIF

Kwanza kabisa nitumie fursa hii kumshukuru Mwenyezi Mungu kwa kutuwezesha kuwa hai na wenyewe afya njema huku tukiendelea kushirikiana kwa hali na mali ili kuhakikisha huduma tunazozitoa zinakidhi mahitaji ya wanachama wetu.

Mwaka huu wa 2021, Mfuko umeadhimisha miaka 20 tangu kuanzishwa kwake na shughuli mbalimbali zimefanyika zikiwemo za kukutana na makundi ya wadau wetu wakiwemo wanachama, Watoa Huduma, Waasisi wa Mfuko, Waajiri na wadau wengine wote wa sekta ya afya.

Katika kuadhimisha miaka 21, Mfuko umepokea maoni mengi kutoka kwa wadau wake ya namna ya kuendelea kuimarisha Mfuko na huduma zake lakini pia kuweza kuwafikia wanachama wengi zaidi. Jambo kubwa ambalo Mfuko umekuwa ukijivunia ni ushirikishaji wa wadau wake katika masuala mbalimbali yanayohusu huduma

inazotoa na kwa kuzingatia hilo, Mfuko utaendeleza utamaduni huu kwa kuwa umeonesha mafanikio makubwa sana katika uboreshaji wa huduma zake.

Nitumie fursa hii kuwashukuru wadau wote wa Mfuko kwa namna ambavyo mmekuwa mkishiriki katika mambo mbalimbali yanayohusu uimarishaji wa Mfuko hususan katika mwaka huu wa 2021 ambao mmeonesha imani kubwa kwetu.

Tunapohitimisha mwaka huu na kuijandaa kuanza mwaka mpya wa 2022, niwahakikishie wadau wetu wote kuwa Mfuko umejipanga katika kutoa huduma bora na kuwafikia wananchi katika maeneo yao ili kuhakikisha kila mwananchi anakuwa na uhakika wa kupata huduma za matibabu kuitia bima ya afya.

Kwa sasa Mfuko umetoa fursa kwa kuweka mpango wa vifurushi unaomwezesha kila mwananchi kujiunga na huduma zake tofauti

na ilivyokuwa awali lakini pia umefanyika uboreshaji mkubwa kuitia Mifumo ya TEHAMA ambayo imerahisha upatikanaji wa huduma ikiwemo ya kujiunga, utambuzi wa mwanachama anapokuwa kituoni, mfumo wa ulipaji wa madai kwa watoa huduma na mengine mengi.

Niwaombe wadau wote kuendelea kushirikiana na Mfuko katika kutoa maoni na ushauri wa namna bora zaidi ya kufanya maboresho katika huduma ambazo Mfuko unatoa ili kwa pamoja tuweze kuujenga Mfuko huu ambao umekuwa ni nguzo kubwa kwa wananchi wa Tanzania. Mfuko uko tayari kupokea maoni na ushauri na kuufanya kazi ili kuhakikisha lengo la kuanzishwa kwake linatimia lakini pia kila mwananchi ajivunie uwepo wa Mfuko huu hapa nchini. Baada ya kusema haya, naomba niwatakie heri ya mwaka mpya wa 2022.



## Mama Anna Abdallah asimulia uanzishwaji NHIF

### Asema haikuwa rahisi kuanza utekelezaji

“Mwaka 2000 niliteuliwa kuwa Waziri wa Afya na kipindi hicho tayari sheria ya kuanzishwa kwa Mfuko wa Taifa wa Bima ya Afya ilikuwa imepitishwa na Bunge la Jamhuri ya Muungano wa Tanzania mwaka 1999 lakini utekelezaji wake ulikuwa bado hadi ilipofika julai 2001. Jambo hili liliifanya nifanye kazi mchana na usiku kusimamia uanzishwaji wake”. Haya ni maneno ya aliyekuwa Waziri wa Afya Mama Anna Abdallah. Akisimulia safari ya miaka 20 ya kuanzishwa kwa Mfuko wa Taifa wa Bima ya Afya, anaanza kwa kueleza kuwa, kazi ya kwanza baada ya kuteuliwa ilikua ni kuhakikisha sheria inatekelezwa lakini pia kuandika kanuni zinazoongoza utekelezaji wa sheria hiyo. Anasema wakati Mfuko unaanzishwa, uelewa wa

Watanzania juu ya masuala ya bima ya afya ulikua ni mdogo sana. Kwa kuanza utekelezaji wake ilianza na michango ya lazima ya kisheria kwa kila Mtumishi wa Umma kuchangia asilimia tatu (3) na Mwajiri wake asilimia tatu na ilifanyika kwa muda wa miezi mitatu kabla ya kuanza kupata huduma.  
“Jambo lolote jipya halikosi kuwa na changamoto kwani maswali yalikuwa mengi sana na kulikuwa na matatizo ya uelewa wa suala la bima ya afya hivyo kulikuwa na malalamiko makubwa sana” anasema.

Akizungumzia changamoto ambazo Wizara ilikumbana nazo katika uanzishwaji wa NHIF, alisema uelewa wa watoa huduma na wanachama na hii ilitokana na kukosa maoni ya kutosha kutoka kwa wadau ya namna bora ya utekelezaji wa

huduma hiyo, hivyo ilisababisha utekelezaji wake kuwa mgumu sana.

Changamoto nyingine ilikuwa ni kutopata huduma kwa wanachama kwa miezi mitatu ya mwanzo na hospitali kuwa mbali na maeneo wanayotoka wanachama nahii ilisababishwa na huduma za NHIF kupatikana kwenye Hospitali za Wilaya na Mikoa tu.

“Wanachama walitoka maeneo ya vijijini ambako huduma haikupatikana hili nalo liliongeza malalamiko zaidi, suala jingine lilikuwa ni la watoa huduma kutotoa huduma nzuri kwa wanachama na hii ilisababishwa na uelewa mdogo wa namna bima inavyofanya kazi lakini kuwa na mazoea ya kutoa huduma kwa kulipwa fedha taslimu,” alisema.

katika kukabiliana na changamoto hii, Wizara ilitoa maelekezo ya kuimarisha mikakati ya utoaji wa elimu kwa umma kuhusu dhana ya bima ya afya kwa wananchi kwa kuwaeleza umuhimu na faida zake ili waweze kuelewa na hatimaye kuamua kwa hiari yao kujiunga.

Agizo jingine lilikuwa ni kuweka dirisha maalumu la kuwahudumia wanachama wa NHIF. Utaratibu huo ulifanyika katika kila kituo cha kutolea huduma za afya. lengo likiwa ni kuondoa malalamiko ya

kihuduma.

“Tuliamua kila hospitali na vituo vya afya vinavyotoa huduma kwa wanachama wa bima kutenga dirisha maalum kwa ajili ya kuwahudumia na kuwatenga na wagonjwa wa huduma ya papo kwa papo ambayo ndio iliku imezoeleka” anasema Mama Anna Abdallah.

Anasema Serikali iliona ni vyema kufanya usajili wa vituo vya afya vinavyomilikiwa na mashirika ya dini na kwa kufanya hivyo kuliongeza

ufanisi wa huduma na kupunguza malalamiko ya wanachama wa Mfuko wa Taifa wa Bima ya Afya.

Anaeleza kuwa suala la udanganyifu nalo lilikuwa ni moja ya changamoto ambayo ilitokana na kuongezeka kwa uelewa wa Watoa Huduma amba waliona ni fursa kwako ya kupata faida zaidi hivyo wakaanza kufanya udanganyifu katika taarifa za huduma kwa kuongeza bei kwenye huduma wanazotoa kwa wanachama.

## MCHANGO WA RAIS WA AWAMU YA TATU HAYATI BENJAMINI MKAPA.

Akizungumzia mchango wa Rais wa Awamu ya Tatu alisema, “Siwezi kusahau mchango wa Hayati Benjamini William Mkapa wakati wa uanzishwaji wa Mfuko wa Bima ya Afya kwani alisema jambo hili ni zuri sana kwa watanzania na siwezi kulifuta kama mnataka lifutwe basi mfanye baada ya kipindi changu kumalizika,” alinukuu maneno yake.

Anasema hoja zilizokuwa zikitolewa kwa kipindi hicho ni kufutwa kwa NHIF lakini Rais wa Awamu ya Tatu Hayati Benjamini William Mkapa aliipigania sana huduma ya bima ya afya na hakutaka kabisa kusikia suala hili la bima ya afya linafutwa kwa kusema wazi kuwa atakayefuta ni sawa na kufuta maendeleo ya wananchi.

“Nasema kulikuwa na utashi mkubwa sana wa kisiasa

katika kipindi chake kwani malalamiko yalikuwa ni mengi sana bila utashi wa kisiasa hii bima mnayoiona leo na kuisifia isingekuwepo” alisisitiza.

Utashi uliotumika kipindi hicho bado unaendelezwa mpaka sasa katika Serikali ya Awamu ya Sita ambayo imeweka nguvu kubwa katika kuhakikisha suala la bima ya afya kwa wote linawezekana.

“Ndani ya miaka 20 nimeona maboresho makubwa ya kutumia mifumo ya TEHAMA katika utoaji wa huduma ambayo yamerahisisha sana upatikanaji wa huduma kwa uharaka zaidi na umesaidia kuondoa malalamiko yaliyokuwepo awali ya ucheleweshaji wa huduma,” anasema.

Alitumia fursa hii pia kutoa ushauri kwa vijana kuwa na utamaduni wa kuwakatia

wazazi wao kadi za bima ya afya ili kupunguza gharama za matibabu pale mzazi anapougu kwa kuwa gharama za matibabu ni kubwa.

Kwa upande wa watoa huduma, anawataku kuendelea kutoa huduma bora kwa wanachama wa NHIF na kuwajali kwa sababu mapato makubwa ya uendeshaji wa hospitali na vituo vyao vya kutolea huduma yanategemea zaidi malipo ya madai kutoka NHIF.

“Niwashauri Watanzania kujiunga kwa wingi kupitia vifurushi vya bima ya afya ambavyo vinamuwezesha kila mmoja kuwa na fursa ya kuwa mwanachama nahii itasaidia kuwa na uhakika wa matibabu na kuondoa wasiiasi wa kukosa huduma wakati hauna fedha,” alisema.



# MPANGO WA DUNDULIZA

Weka mchango kidogo kidogo sasa upate kadi yako ya NHIF

*Uhakika wa Matibabu kwa Wote*

## DUNDULIZA NA NHIF

Katika kutimiza dhamira ya Serikali ya kuwawezesha Watanzania kuwa kwenye Mfumo wa Bima ya Afya, Mfuko wa Taifa wa Bima ya Afya (NHIF) umeanzisha mpango maalumu wa malipo ya michango kwa awamu ujulikanao kama Dunduliza.

Mpango huu wa Dunduliza unawawezesha wananchi wenyewe vipato tofauti tofauti kudunduliza michango yao kidogo kidogo kadiri wanavyopata kupitia akaunti maalum ya Benki hadi pale kiwango cha mchango kitakapokamilika. Mwanachama atapatiwa kitambulisho cha NHIF atakachotumia kupata huduma za matibabu kwa kuzingatia vigezo na masharti yaliyoainishwa.

### MAELEZO MUHIMU YA KUZINGATIA

- Utaratibu huu kwa sasa unatumika kwa wanachama wanaojiunga kupitia vifurushi nya NAJALI AFYA, WEKEZA AFYA na TIMIZA AFYA. Mfuko utaendelea kuboresha mfumo ili kuweza kujumuisha makundi mengine,
- Mwanachama atachangia kidogo kidogo kupitia kibubu cha benki ya NMB na anapokamilisha kiasi anachotakiwa kulipa kulingana na kifurushi alichochagua, mchango wake utawasilishwa kwenye Mfuko kupitia utaratibu wa malipo wa Serikali (GePG),
- Ili kujisajili na mpango wa dunduliza mwanachama anatakiwa kufika katika tawi lolote la Benki ya NMB liliilo karibu naye au kujisajili kwa njia ya simu kwa kutumia namba \*150\*68# na kuchagua huduma ya kibubu kisha kufuata maelekezo hadi mwisho.
- Kupitia mpango huu, mwananchi ana fursa ya kulipia kwa awamu kifurushi alichokichagua kuanzia miezi miwili hadi miezi kumi na mbili,
- Wanachama wa vifurushi nya bima ya afya watakaojiunga kupitia utaratibu huu hawatakuwa na muda wa kusubiri mara wanapokamilisha kiwango cha mchango husika,
- Wanachama ambao watajumuisha wategemezi wanatakiwa kuwasilisha viambatanisho nya uhusiano kupitia tovuti ya mfuko [www.nhif.or.tz](http://www.nhif.or.tz) au kufika katika ofisi za Mfuko na kisha kuruhusiwa kudunduliza.

### VIGEZO NA MASHARTI YA UTARATIBU WA KUDUNDULIZA

- Kuweka fedha kwa utaratibu wa kudunduliza mpaka zitakapofikia kiwango kinachohitajika;
- Atapatiwa kadi ya matibabu ya NHIF mara baada ya kukamilisha kwa kiwango cha mchango kinachohitajika;
- Vigezo na masharti kwa kundi la Vifurushi vitazingatiwa

# MATUKIO KATIKA PICHA

Ushiriki wa NHIF kwenye michezo ya SHIMMUTA mkoani Morogoro



Mkurugenzi Mkuu wa NHIF Bw. Bernard Konga akipokea kombe la ushindi wa tatu katika michezo wa mpira wa wavyu katika mashindano ya SHIMMUTA 2021 yaliyofanyika mjini Morogoro.

Menejimenti ya Mfuko wakishuhudia tukio la kupokelewa kwa kombe hilo lililowasilishwa na Bw. Kamugisha Laurian pamoja na baadhi ya wachezaji.



NHIF ikipokea kombe la mshindi wa tatu katika michezo wa mpira wa wavyu wanaume katika mashindano ya SHIMMUTA 2021 yaliyofanyika mjini Morogoro. Mchezaji wa timu ya wavyu wanaume ya NHIF Bw. Marco Muntally akipokea kombe hilo.

Timu ya mpira wa Pete ya wanawake wakiwa katika picha ya pamoja na Mkurugenzi Mkuu wa NHIF Bw. Bernard Konga wakati wa michezo ya SHIMMUTA mjini Morogoro.



Timu ya mpira wa wavy ya wanaume akiwemo Mkurugenzi Mkuu  
Bw. Bernard Konga (wa tatu kutoka kulia) wakiwa katika picha ya pamoja wakati wa michezo ya SHIMMUTA  
mjini Morogoro.



Meneja wa Utawala  
Bi.Yusta Mandara akifurahia ushindi  
pamoja na baadhi watumishi wa  
Mfuko walioshiriki mashindano  
ya SHIMMUTA 2021.



Timu ya mpira wa miguu ya  
wanaume akiwemo Mkurugenzi  
Mkuu Bw. Bernard Konga (Katikati)  
wakiwa katika picha ya pamoja  
wakati wa michezo ya  
SHIMMUTA mjini Morogoro.

# MATUKIO YA KILELE CHA MIAKA 20 YA NHIF

## (2 Oktoba, 2021)



■ Mdahalo wa NHIF ILIPOTOKA uliofanyika siku ya kilele cha Maadhimisho ya Miaka 20 ya Mfuko tangu kuanzishwa kwake



Mhe. Dorothy Gwajima (WAMJW) akimkabidhi tuzo Mkurugenzi Mkuu wa kwanza wa NHIF Bw. Emmanuel Humba



Mhe. Dorothy Gwajima akimkabidhi tuzo aliywahi kuwa Kaimu Mkurugenzi Mkuu wa NHIF Bw. Hamisi Mdee



Mhe. Dorothy Gwajima akimkabidhi tuzo aliywahi kuwa Kaimu Mkurugenzi Mkuu wa NHIF Bw. Michael Mhando



Mhe. Dorothy Gwajima akimkabidhi tuzo Mwenyekiti Mstaafu wa Bodi ya Wakurugenzi ya NHIF Mhe. Anne Makinda

# MATUKIO YA KILELE CHA MIAKA 20 YA NHIF

## (2 Oktoba, 2021)



■ Mkurugenzi Mkuu Bw. Bernard Konga akizungumza wakati wa kilele cha maadhimisho ya miaka 20 ya NHIF



Burudani kutoka kwa Mrisho Mpoto maarufu kama 'Mjomba'



Mwenyekiti wa Bodi ya Wakurugenzi ya NHIF Bw. Juma Muhimbi akimkabidhi tuzo Waziri wa Afya Mhe. Dorothy Gwajima



Watumishi wa NHIF katika kilele cha Maadhimisho ya Miaka 20 ya NHIF



Kwaya Mfuko ikitoa burudani wakati wa kilele cha Maadhimisho ya Miaka 20 ya NHIF



ISO 9001:2015 CERTIFIED

**MFUKO WA TAIFA WA BIMA YA AFYA**

**TOTO AFYA KADI**

*Uhakika wa Matibabu kwa Wote*

# TOTO AFYA KADI (BIMA YA AFYA KWA WATOTO)

Ni mpango wa bima ya afya kwa watoto wenyewe umri chini ya miaka 18 wanaosajiliwa ili kuwawezesha kupata huduma za matibabu katika vituo vilivyosajiliwa na NHIF nchi nzima.

## Madhumuni ya Toto Afya Kadi

- Kuwapa fursa watanzania wote ambao hawajafikiwa na Mfuko kuwasajili watoto wao;
- Kuwapa fursa wazazi/walezi ambao ni wanachama wa Mfuko kusajili watoto ambao hawakuweza kusajiliwa kwa sababu nafasi za wategemezi za mwanachama zimejaa;
- Kutoa nafasi kwa watoto ambao hawana uhusiano wa damu na mwanachama mchangiaji kujisajili na kupata huduma kwa kulipiwa na mzazi au mlezi;
- Kutoa fursa kwa wafadhili au wahisani kuwalipia gharama za usajili watoto walio kwenye mazingira magumu na vituo vya kulelea watoto yatima;

## Faida na Mafao kwa Wanufaika

- Wanufaika wa TOTO AFYA KADI watapata huduma katika vituo vya matibabu zaidi ya 9,000 vinavyohudumia wanachama wa NHIF kuanzia ngazi ya zahanati hadi hospitali ya taifa. Vituo hivi ni vile vya Serikali, binafsi na madhehebu ya dini;
- Atahudumiwa mkoa wowote Tanzania Bara na Zanzibar;
- Atapata huduma za matibabu za msingi na za kibingwa zikijumuisha:-
  - Kujiandikisha na kumwona daktari
  - Dawa
  - Vipimo
  - Kulazwa
  - Upasuaji mkubwa na mdogo
  - Matibabu ya kinywa na meno
  - Matibabu ya macho
  - Mazoezi ya kimatibabu ya viungo
  - Vifaa saidizi

## Jinsi ya Kujisajili

- Mzazi/mlezi atajaza fomu maalum ya usajili na kuambatisha picha ya mtoto ya pasipoti. Fomu zinapatikana katika tovuti ya NHIF [www.nhif.or.tz](http://www.nhif.or.tz) au katika ofisi ya NHIF iliyo karibu;
- Mzazi/mlezi ataambatanisha nakala ya cheti cha kuzaliwa cha mtoto au tangazo la uzazi kwa watoto walio chini ya miezi sita wasio na cheti;
- Mzazi/mlezi atapata namba ya malipo ya Serikali (Control number) baada ya kurejesha fomu iliyokamilika. Atalipa mchango wa mwaka wa Shilingi 50,400/- kwa kila mtoto anayesajiliwa;
- Mwanachama atatakiwa kuhuisha uanachama wake ndani ya siku 30 baada ya mwaka husika kuisha kwa kuchangia kiasi hicho hicho cha Shilingi 50,400/- kwa mwaka. Uanachama unaweza kuhuishwa kuititia mtandao kwa kutembelea tovuti ya NHIF [www.nhif.or.tz](http://www.nhif.or.tz)

Wazazi/Walezi wanahimizwa kusajili watoto kabla ya kuugua ili kuepuka usumbufu wa kupata huduma kwa wakati endapo watasubiri mpaka waugue ndipo waje kuwasajili.

# MIAKA 60 YA UHURU

## Watanzania Kupata Huduma za Matibabu kwa Bima ya Afya

Uwepo wa NHIF ndani ya nchi ya Tanzania umesaidia kwa kiwango kikubwa kuleta mapinduzi chanya katika sekta ya afya ikiwemo huduma mbalimbali za kitaalam kupatikana nchini na wananchi hawahitaji tena kusafiri kwenda nje ya nchi kupata huduma hizo. Aidha, Mfuko umesaidia watumishi na makundi mbalimbali ya wananchi kuwa na uhakika wa huduma za matibabu wakati wowote kupitia mfumo wa bima ya afya.

Hatua ya mafanikio haya inatokana na jitihada kubwa

zilizofanywa na Serikali kuanzia Awamu ya Kwanza na hadi sasa Awamu ya Sita chini ya Rais Mhe. Samia Suluhu Hassan ambaye amedhamiria kuona wananchi wake wanapata huduma za matibabu kupitia bima ya afya.

Katika makala haya, Mfuko utaelezea mafanikio yaliyofikiwa na mipango ya kuhakikisha kila mwananchi anakuba na uhakika wa kupata huduma za matibabu.

Waziri wa Afya  
Maendeleo ya Jamii,  
Jinsia Wazee na  
Watoto Dkt. Dorothy  
Gwajima akizindua  
maadhimisho ya miaka  
20 ya NHIF tangu  
kuanzishwa kwake  
Julai 1, 2021.



### Watanzania wote sasa wanaweza kujunga na Mfuko na kunufaika.

Wigo wa uanachama wa NHIF umeendelea kuongezeka siku hadi siku ili kufikia lengo la Serikali la afya bora kwa Vtote. Hivi sasa Mfuko umeweka utaratibu rahisi na rafiki kwa kila kundi kuchangia, kujunga na kuanza kunufaika kwa hiari ikilinganisha na kundi la watumishi wa umma ambalo liliwezeshwaa kujunga kwa mujibu wa Sheria wakati Mfuko unaanzishwa.

Makundi ambayo yamejumuishwa mpaka sasa ni pamoja na Wakulima kupitia mpango wa Ushirika Afya ambapo wanajunga kupitia vyama vyao vya ushirika (76,800/- kwa mwaka), Wanafunzi (50,400/- kwa mwaka), Watoto kupitia mpango wa Toto Afya Kadi

(50,400/- kwa mwaka), Wajasiriamali kupitia umoja wao kama Bodaboda, Machinga, Madereva (100,000/- kwa mwaka). Aidha, watu binafisi na wategemezi wao wanajunga kupitia utaratibu wa Vifurushi ambavyo vimeandaliwa kwa kuzingatia ukubwa wa familia, umri, aina ya huduma na uwezo wa kuchangia kwa mchango wa kuanzia 192,000/- kwa mwaka.

Wakati Mfuko unaanzishwa mwaka 2001/02, wanufaika walikuwa 691,773 (2% ya wananchi) ikilinganishwa na wanufaika 4,550,207 (8% ya wananchi) hadi kufikia Juni, 2021.



Aliyekuwa Mwenyekiti wa Bodi ya Wakurugenzi ya Mfuko wa Taifa wa Bima ya Afya Bi. Anne Makinda akigawa kadi za Bima ya Afya kwa baadhi ya wakazi wa Dodoma waliojiunga na vifurushi vyta bima ya afya Mkoani Dodoma Dec 14, 2019.

## ○ Wigo mkubwa wa vituo vyta kupata huduma.

Hadi kufikia Juni 2021 jumla ya vituo 8,482 vyta ngazi ya Zahanati hadi Taifa, vyta Serikali, Mashirika ya Dini na Binafsi vinahuhumia wanachama wa NHIF ikilinganishwa na vituo 3,197 vyta mwaka 2001/02. Mwanachama wa NHIF kwa kutumia kadi yake anatibiwa popote Tanzania Bara na Zanzibar katika vituo hivi vilivyojasiliwa. Hivyo, Kadi ya NHIF haina mipaka ya kimikoa.

## ○ Kuongezeka kwa wigo wa huduma za matibabu

Hivi sasa mwanachama anapata huduma kuanzia za msingi hadi za kibingwa ikiwemo matibabu ya moyo, figo, saratani, upandikizaji wa viungo, vipimo vikubwa kama CT Scan na MRI. Ongezeko hili ni tofauti na awali ambapo huduma kwa wanachama zilikuwa chache mathalan idadi ya vipimo ilikuwa 9 na dawa 440 wakati Mfuko unaazishwa mwaka 2001.

Sasa hivi kitita cha huduma kina jumla ya dawa 975 na vipimo 354 vikiwemo vikubwa na vidogo kulingana na maendeleo ya teknolojia ya tiba. Huduma za upasauji mkubwa 210 na mdogo 167 na wa kibingwa 148. Aidha huduma za kulazwa, kujifungua, macho, meno, n.k zinatolewa kwa wanachama wa NHIF kulingana na miongozo ya tiba iliyopo.

Aidha Mfuko umeweka utaratibu unaowezesha waajiri kulipia watumishi wao huduma za ziada (Suplimentary package) ambazo hazipo kwenye kitita cha mafao cha NHIF. Mathalani, Huduma za Uokozi (Air and ground evacuation), dawa za majina ya kibashara, huduma za miwani na zingine.

## ○ Mapato ya uhakika kwa watoa huduma

Kwa mwaka 2020/21, Mfuko umelipa Shilingi bilioni 514.9 kwa vituo vyta kutolea huduma ikilinganishwa na malipo ya Shilingi milioni 247.3 mwaka 2001/02 wakati Mfuko unaanzishwa, mapato haya yamekuwa chanzo cha uhakika kwa vituo na kuwa chanchu kubwa katika uboreshaji wa upatikanaji wa huduma bora za matibabu na miundombinu ya vituo.

## ○ Mikopo ya Vifaa tiba, ukarabati wa miundombinu na dawa:

Kwa mwaka 2020/21, Mfuko ulitoa mikopo yenye thamani ya Shilingi bilioni 2.1 kwa Vituo 36 ambapo tangu kuanzishwa kwa mpango huu mpaka sasa jumla ya vituo 347 vimenufaika na mikopo hii yenye thamani ya Shilingi bilioni 33.5. Lengo ni kuboresha miundombinu, upatikanaji wa huduma zikiwemo za kitaalam na upatikanaji wa vifaa tiba na dawa.

Mfuko umefanya uwekezaji katika miradi mikubwa ya afya ikiwemo ujenzi wa majengo ya huduma na ununuzi wa vifaa vyta matibabu katika Hospitali ya Rufaa ya Kanda Bugando (jengo la huduma), Hospitali ya Rufaa ya Mkoa Dodoma (jengo la huduma), Taasisi ya Mifupa MOI (majengo pacha), Hospitali ya Benjamin Mkapa (majengo na vifaa tiba), Hospitali ya KCMC (ujenzi wa kiwanda cha oksijeni), Hospitali ya Taifa Muhimbili (CT- Scan) na nyinginezo.



Moja ya uwekezaji  
wa Vifaa Tiba  
uliofanywa na  
NHIF katika  
Hospitali ya  
Benjamin Mkapa  
ambayo inatoa  
huduma za  
Kibingwa ambazo  
awali hazikutolewa  
nchini ikiwemo  
upandikizaji wa  
figo.

## ● Uboreshaji wa utoaji huduma kupitia TEHAMA na mafanikio yake

Katika kuhakikisha shughuli za Mfuko zinatekelezwa kwa ufanisi, sehemu kubwa ya shughuli za Mfuko zinatekelezwa kwa kutumia TEHAMA ikiwa ni pamoja na uwasilishaji na uchakataji wa madai kwa wakati kupitia mtandao, kuanza kusajili wanachama kupitia mtandao hivyo kupunguza usumbufu na kuongeza ufanisi na kuimarisha mawasiliano na wanachama na wadau ambayo imechangia Mfuko kufikia kiwango cha asilimia 80 cha kuridhika na huduma kwa wanufaika wake wakati wanapotumia huduma.

Wadau wa Mfuko huu wanaweza kuwasiliana na Mfuko kupitia Kituo cha Huduma kwa Wateja ambacho kinafanya kazi saa 24 siku saba za wiki bila malipo na kupata ufumbuzi wa changamoto zinazojitokeza na taarifa mbalimbali. Kwa wastani zaidi ya simu 11,000 zinapokelewa kila mwezi. Namba ya Huduma kwa Wateja ni 0800 110063 ambapo kwa taarifa za udanganyifu dhidi ya Mfuko namba ya siri ni 0800111163.

Mfuko unatoa huduma za ujumbe mfupi kwa njia ya simu ambapo mwanachama au mtoa huduma anapata ujumbe kuhusu matumizi ya kadi, hatua ya maandalizi ya kadi, taarifa ya muda wa kuisha matumizi ya kadi na hatua ya malipo ya madai. Aidha, kupitia huduma ya sms \*152\*00# wadau wanawezeshwa kumhakiki mwanachama kuhusu uhalali wa kadi yake hata maeneo ambao hakuna miundombinu ya TEHAMA.

Kuimarika kimawasiliano kupitia tovuti ya Mfuko na matumizi ya mitandao ya kijamii mfano Facebook, Instagram, Twitter (@NHIFTZ) na NHIF Online TV. Hivi sasa Mfuko una mfumo wa kuwezesha wanachama kupata taarifa zao kupitia NHIF Taarifa App ambapo mwanachama kupitia simu yake ya mkononi anaweza kupata taarifa ya huduma zinazotolewa na Mfuko, vituo vilivjosajiliwa, vigezo vya uanachama, nk.

## ○ Kushirikiana na Wadau kuwafikia wananchi kwa huduma

Katika kurahisisha utaratibu wa kujiunga, Mwananchi amewezeshwa kuchangia kwa kudunduliza kidogokidogo michango yake kuitia benki kuputia mpango ujulikanao kama DUNDULIZA na inapokamilika kupatiwa kadi yake ya bima ya afya.

Kurahisisha uchangiaji na kujiunga kwa wanachama kwa kushirikiana na wadau mbalimbali kama mabenki na Vyama vya Ushirika. Mfuko umeshaingia makubaliano na Benki za TPB, NMB, CRDB, NBC na AZANIA kuwezesha wakulima kuchangia bima ya afya kuitia Ushirika Afya ambapo changamoto ya ulipaji wa michango kwa wakati bila kujali msimu wa mavuno imepata suluhu.

Kufanikiwa kwa NHIF kwa kiasi kikubwa kumechangiwa na kushughulikiwa kwa changamoto zilizobainika katika utekelezaji

wa shughuli za Mfuko huu. Moja ya changamoto kubwa ambazo Mfuko huu unazo kwa sasa ni uhiari wa kujiunga kwa wananchi hususani walioko kwenye sekta isiyo rasmi na kutoeleweka vizuri kwa dhana ya Bima ya Afya mionganini mwa Wananchi. Hii imechangia wananchi wengi kutojiunga na mfumo wa bima ya afya na wengi kutaka kujiunga wakiwa wagonjwa.

Mfuko unaendelea kutoa elimu kwa Umma kuhusu dhana na umuhimu wa kuwa na bima ya afya. Aidha Serikali iko katika hatua ya mwisho ya kukamilisha Sheria ya Bima ya Afya kwa Wote itakayomwezesha kila Mtanzania kujiunga na bima ya afya na Mfuko umejiandaa katika kuhudumia kundi kubwa zaidi la wanachama.

**Kiwanda cha  
Gesi ya Oksijeni  
kilichopo katika  
hospitali ya  
Rufaa ya KCMC  
kilichoengwa  
kupitia mkopo  
wa uboreshaji  
miundombinu  
kutoka NHIF.**





MFUKO WA TAIFA WA BIMA YA AFYA



Huduma ni haki yako  
**USITOE RUSHWA**

Ukiombwa piga **0800111163** bure ili kutoa taarifa.

Taarifa zitakazotolewa ni za siri



**Kituo cha Huduma kwa Wateja**  
**PIGA 0800 110063 BURE.**





## WANAFUNZI WAFURAHIA UWEPO WA NHIF NA HUDUMA ZAKE

### • Wakiri ni msaada mkubwa wanapouga

“Bima ya Afya kwa Wanafunzi wa Elimu ya Juu ni mkombozi wakati wa mwanafunzi anapopatwa na ugonjwa, inamwondolea wasiwaso wa gharama za matibabu na kumwezesha kuwa ujasiri wa huduma wakati wowote,” Hayo yamesemwa kwa nyakati tofauti na Wanafunzi, Wahadhiri, Walimu, Wazazi na Walezi mbalimbali wakati wakizungumza juu ya umuhimu wa mwanafunzi kuwa na bima ya afya.

Kuwepo kwa bima ya afya kwa kundi la wanafunzi ni moja ya mafanikio makubwa yanayotokana na Serikali kuitia Mfuko

wa Taifa wa Bima ya Afya (NHIF) ambao una dhamana ya kutoa bima ya afya kwa Watanzania.

Mwanafunzi aliyesajiliwa na NHIF, anapata huduma za matibabu kuitia kadi yake wakati wowote anapokuwa masomoni na likizo. Huduma za matibabu anazipata kuitia vituo zaidi ya 8,000 vilivyo sajiliwa nchini.

Katika makala haya, wanafunzi, wahadhiri, walimu na wazazi kwa nyakati tofauti wamezungumzia umuhimu wa bima ya afya kwa kundi la wanafunzi husasan wakati wanapokuwa masomoni.

### • Wanafunzi

Mwanafunzi kutoka Chuo cha Taifa cha Utalii Bustani, Dar es Salaam Joseph Daffa, amesema kuwa, bima ya afya ni muhimu kwa wanachuo kwa kuwa inawapa uhakika wa kupata huduma za matibabu wakati wote hata wanapokuwa hawana fedha mfukoni.

“Huduma za matibabu ambayo unapata kuitia kadi ya NHIF ni huduma bora ambazo zinakufanya uwe na faraja muda wote. Kwa hiyo nikiri wazi kuwa, bima ya afya inampa mwanaachuo uhakika wa kutibiwa kwenye vituo vikubwa vya kutolea huduma,” anasema Joseph Daffa.

Mwanafunzi mwengine, Winfrider Jeremiah anasema kuwa, bima ya afya inayotolewa kwa wanafunzi na NHIF ni bora na ni ya uhakika, hivyo akaumbwa Mfuko kwa kushirikiana na wadau wengine kuwezesha wanafunzi wote nchini kuwa ndani ya mfumo wa bima ya afya ili kuwapa uhakika wa matibabu.

“Wanafunzi wote tukifanikiwa kuwa na bima ya afya tutakuwa na ujasiri wakati wote na kuondokana na hofu ya kukosa fedha za matibabu pale mmoja wetu anapouga,” anasema Jeremiah.

Naye Petro Mhone anasema kuwa, “awali ya yote niipongeze Serikali kwa kuona umuhimu wa bima ya afya kwa wanafunzi hapa nchini, hii ni huduma ambayo kamwe hauwezi kuichukulia poa, maana ukiwa na kadi yako ya bima ya afya umejipa uhakika wa kupata matibabu muda wowote na kwa haraka.

Oscar Tamba mwanafunzi Chuo cha Biblia Dodoma (CBC) anasema, bima ya afya ni msaada mkubwa hasa kwa wanafunzi ambao wazazi wao wana vipato kidogo hivyo nawasaidia kuokoa maisha yao pale wanapouga.

Akatumia fursa hiyo kuuomba Mfuko kuendelea kutoa elimu kwa wanafunzi wote nchini ili kila mmoja aone umuhimu wake na kuhakikisha anajiunga.

“Bima ya Afya ni mkombozi, mwanafunzi unaweza ukaugua ghafla na uko mbali na familia yako lakini unapokuwa na kadi ya NHIF ni rahisi sana kupata huduma za matibabu wakati wowote hivyo unaondoa usumbufu kwa wanaokuhudumia,” anasema.

## • Walimu

Kwa upande wa walimu ambao walizungumzia suala hili waliweka wazi kuwa bima ya afya kwa wanafunzi ni muhimu kwa kuwa inasaidia kuepuka gharama kubwa wakati wanafunzi wanapopatwa na maradhi wakiwa masomoni au likizo.

“Bima ya afya kwa wanafunzi na hata Watanzania ni jambo la heri sana, hivyo nichukue nafasi hii kutoa wito kwa wanafunzi wote kuona umuhimu wa kujunga na huduma hii ambayo imekuwa mkombozi kwao na imekuwa ikiwapunguzia gharama za mara kwa mara kwa ajili ya matibabu,” alisema mmoja wa walimu aliyejitalbulisha kwa jina la Raban.

Hivi karibuni Mfuko wa Taifa wa Bima ya Afya (NHIF) na Shirikisho la Vyuo vya Elimu ya Juu nchini (TAHLISO) walikutana na kujadili masuala mbalimbali ya uboreshaji wa huduma kwa kundi la wanafunzi pamoja na kuendelea kushirikiana kuhakikisha kila mwanafunzi wa chuo kikuu na cha kati anakuwa na kadi ya NHIF kwa uhakika wa matibabu. Kwa upande wa TAHLISO imepongeza NHIF kwa kutoa ushirikiano mkubwa katika kuwashudumia wanafunzi pale panapokuwa na uhitaji.

Akitoa pongezi hizo Mwenyekiti wa TAHILISO, Frank Nkinda wakati wa mukutano huo uliofanyika hivi karibuni alisema, “Kwa kweli kabla sijawa kiongozi wa TAHILISO sikuwa naijua NHIF vema, lakini sasa nimeweza kuifahamu na naweza kujibu simu nyingi za wanafunzi ninazopokea wanapopata changamoto, lakini naushukuru uongozi wa NHIF ambao wakati wote umekuwepo kutatua changamoto zinapotokea,” amesema Nkinda.

Amesema, wao kama viongozi wa wanafunzi wako imara katika kuhakikisha kuwa wanafunzi wanapata elimu wakiwa na bima ya afya ili kuwa uhakika wa matibabu wawapo vyuoni.

“Nahimiza tuwe na mpango mathubuti wa kuhakikisha kuwa maagizo ya Mheshimiwa Waziri Mkuu kuhusu ulazima wa wanafunzi wa vyuo vyote vikuu na vya kati nchini yanatekelezwa kwa vitendo, wanafunzo wote wakiwa na bima ya afya wasasoma wakiwa na uhakika zaidi wa afya zao,” amesema Nkinda.

Kwa upande wa NHIF, kuitia Mkurugenzi Mkuu wake Bw. Bernard Konga anasema “niwakumbushe lengo hasa la Mfuko kuanzisha mpango wa huduma za bima ya afya kwa wanafunzi lilikuwa ni kumuondolea mwanafunzi mzigo wa gharama za matibabu ili aweze kuwa na ujasiri wa kuendelea na masomo yake bila kikwazo cha afya yake akiwa chuoni na wakati wa likizo.

Bw. Konga anasema kuwa, ufanisi wa utekelezaji wa mpango huu unategemea sana ushirikiano wa pande zote ikiwa ni wanafunzi wenyewe, chuo husika na mfuko huo.

“Bila ushirikiano na kila upande kutekeleza wajibu wake ipasavyo hatuwezi kuepuka changamoto katika utekelezaji na mwathirika mkubwa ni mwanafunzi. Hata hivyo hapo nyuma kulikuwa na changamoto kubwa ya wanafunzi kukosa vitambulisho vya bima ya afya kwa wakati, changamoto ambayo kwa kiasi kikubwa imeshughulikiwa lakini jambo la msingi msingi ni kuendelea kuwa na ushirikiano kwenye kutekeleza hilo,” amesema Mkurugenzi Mkuu huyo.

## • Wazazi

Kwa upande wao wazazi na walezi kutoka maeneo mbalimbali ya Jiji la Dar es Salaam wamesema kuwa, bima ya afya kwa wanafunzi wakiwa vyuoni ni jambo muhimu, kwani si tu kwamba linawapunguzia gharama za matibabu kwa watoto wao bali linawapa nafasi ya kujipanga kwa ajili ya mambo mengine.

“Si muda wote mzazi au mlezi anakuwa na fedha mkononi, wakati mwengine unaweza kukuta mwanafunzi anaumwa ghafla, mfukoni hauna kitu, unajikuta unaumiza kichwa na hauna la kufanya ikizingatiwa gharama za matibabu zipo juu sana, ukiwa umemkatia bima ya afya huwezi kuumiza kichwa na badala yake unaendelea kuwajibika kwa mambo mengine ya maendeleo ya familia,” anasema Julius Tarimo mkazi wa Kimara jijini Dar es Salaam.

Tarimo anaongeza kuwa, bima ya afya ni usalama si kwa wanafunzi peke yao bali pia kwa familia, hivyo amesisitiza

kila mwananchi kutambua umuhimu wa kuwa na bima ya afya hususani inayotolewa na NHIF ambayo inawapa uwanda mpana wa kupata matibabu popote pale nchini.

Naye Sauda Khamis mkazi wa Temeke jijini Dar es Salaam anasema, bima ya afya kwa wanafunzi wa elimu ya juu ni kipaumbele muhimu kama ilivyo ada na mahitaji mengine kwa mwanafunzi.

“Ukiwa na bima ya afya chuoni, wewe ni shujaa, kwani unafanya masomo yako kwa ujasiri na uhakika. Unakuwa hauna hofu wala wasiwasi pindi inapotokea dharura ya ugonjwa, wewe likitokea jambo lolote linalotatiza afya yako unachukua kadi yako na mara moja unakwenda kupata matibabu katika kituo unachoona kinakufaa, hilo ni jambo la kheri sana, hivyo wazazi na walezi wenzangu yafaa tuhakikishe watoto wetu wanapata bima ya afya wakiwa vyuoni kwa uhakika wa matibabu ya haraka,” amesema Khamis.

## • Wahadhiri

Profesa Fadhili Ngumia ambaye ni Mhadhiri wa Chuo cha Mipango Dodoma amesema kuwa, bima ya afya inasaidia kuleta maendeleo ya nchi kutokana na ukweli kwamba bila afya njema mtu hawezikufanya kazi.

“Bima inasaidia kupata matibabu kwa urahisi zaidi na huduma zake ni bora ila changamoto kubwa ni uelewa mdogo kwa vijana juu ya bima. Hivyo, NHIF inapaswa kufanya kazi kubwa

ya kutoa elimu,” amesema.

Anaongeza kuwa, “wakati mwengine utakuta mwanafunzi hawezi kutunza kadi ya bima kiusahihi lakini anapouga anaanza kuhangaika hivyo elimu zaidi inahitajika.

Kwa sasa Mfuko wa Taifa wa Bima ya Afya umepanua wigo wa wanachama wake ambapo kila mwananchi ana fursa ya kujunga na kutumia huduma zake.

# JISAJILI FASTA KWA MTANDAO

>>>>>> *Ni haraka*

>>>>>> *Ni rahisi*

>>>>>> *Popote*

>>>>>> *Wakati wowote*



Tembelea tovuti [www.nhif.or.tz](http://www.nhif.or.tz) ujisajili





## MFUKO WA TAIFA WA BIMA YA AFYA

# AINA ZA UANACHAMA NA WANAUFAIKA

No.	AINA ZA UANACHAMA	MNUFAIKA / WANUFAIKA	KIWANGO CHA UCHANGIAJI
1.	MTUMISHI WA TAASISI BINAFSI AU SERIKALI	<ul style="list-style-type: none"><li>Mtu yeyote aliyeajiriwa katika sekta rasmi (umma na binafsi) ambaye anachangia kupitia mwajiri wake aliyejisajili na NHIF.</li><li>Atanufaika pamoja na mwenza wake na wategemezi halali.</li></ul>	<ul style="list-style-type: none"><li>Asilimia 6 ya mshahara kwa mwezi.</li><li>NHIF pia ina utaratibu wa huduma za ziada au mpango maalum ili kujumuisha waajiri wenye uhitaji.</li></ul>
2.	TOTO AFYA KADI	Mtoto mwenye umri chini ya miaka 18	Tsh. 50,400 kwa mwaka
3.	MWANAFUNZI	Mwanafunzi wa shule za awali/shule za msingi/ shule za sekondari/ vyuo au taasisi za elimu ya juu	Tsh. 50,400 kwa mwaka
4.	VIFURUSHI (NAJALI AFYA, WEKEZA AFYA NA TIMIZA AFYA)	<ul style="list-style-type: none"><li>Mtu yeyote mwenye umri wa miaka 18 na kuendelea anayejiunga kwa hiari</li><li>Anaweza kunufaika pamoja na mwenza wake na watoto wasiozidi wanne.</li></ul>	<ul style="list-style-type: none"><li>Kuanzia Tsh. 192,000 kwa mwaka kulingana na mahitaji.</li><li>Mwanachama anaweza kuchangia kwa kudunduliza kupitia Benki washirika.</li></ul>
5.	UMOJA AFYA (MADEREVA, MACHINGA, BODABODA, WAVUVI, WAPAGAZI, WAANDISHI WA HABARI, MAMA LISHE) N.K.	Mwanachama wa kikundi kilichosajiliwa na mamlaka za Serikali chenye mlengo wa kiuchumi. Anajisajili kupitia kikundi chake kilichosajiliwa na NHIF.	Kuanzia Tsh. 100,000 kwa mwaka.
6.	USHIRIKA AFYA	Mkulima/Mfugaji ambaye ni mwanachama wa chama cha Ushirika cha Msingi kilichosajiliwa, mwenza wake na watoto.	<ul style="list-style-type: none"><li>Tsh. 76,800 kwa mwaka kwa kila mnufaika.</li><li>Upo utaratibu wa Wanaushirika kuijunga na kulipiwa michango na Benki Washirika na kurejesha msimu wa mavuno.</li></ul>

- Viwango vya uchangiaji vinaweza kubadilika wakati wowote. Mfuko utahusika kutoa taarifa za mabadiliko hayo.
- Tafadhali wasiliana na NHIF huduma kwa wateja simu bila malipo **0800 110063** au tembelea ofisi ya NHIF iliyo karibu nawe kwa taarifa zaidi.



@nhiftz

www.nhif.or.tz

info@nhif.or.tz

NHIF AFYA NJEMA | DESEMBA - 2022 | 25

# ANUANI ZA NHIF

## MAKAO MAKUU

Mfuko wa Taifa wa Bima ya Afya (NHIF),  
Makao Makuu, Jengo la NHIF, Tambukareli,  
Barabara ya Jakaya Kikwete,  
S.L.P 1437, DODOMA  
Simu: +255 26 2963887/8  
Barua Pepe: info@nhif.or.tz

## ILALA

Mfuko wa Taifa wa Bima ya Afya (NHIF),  
Ofisi ya Mkoa Ilala,  
Jengo la NHC, Makutano ya Barabara ya Mirambo na  
Samora,  
S.L.P 7195, DAR ES SALAAM.  
Simu: +255 22 2183797  
Barua Pepe: infoilala@nhif.or.tz

## TEMEKE

Mfuko wa Taifa wa Bima ya Afya (NHIF),  
Ofisi ya Mkoa Temeke, Kurasini, Bendera Tatoo,  
S. L. P 45777, DAR ES SALAAM.  
Simu: +255 22 285 6459/285 6538; +255 734 151025  
Barua Pepe: infotemeke@nhif.or.tz

## KINONDONI

Mfuko wa Taifa wa Bima ya Afya (NHIF),  
Ofisi ya Mkoa Kinondoni,  
PSSSF Commercial Complex,  
Barabara ya Sam Nujoma,  
S. L. P 32668, DAR ES SALAAM.  
Simu: +255 22 2701810  
Barua Pepe: infokinondoni@nhif.or.tz

## MOROGORO

Mfuko wa Taifa wa Bima ya Afya (NHIF),  
Ofisi ya Mkoa Morogoro,  
Barabara ya Boma,  
S.L.P. 955, MOROGORO.  
Simu: +255 23 2613835; +255 734 116857; +255 734  
116858  
Barua Pepe: infomorogoro@nhif.or.tz

## DODOMA

Mfuko wa Taifa wa Bima ya Afya (NHIF),  
Ofisi ya Mkoa Dodoma,  
Jengo la NHIF, Ghorofa ya Chini,  
Tambukareli, Barabara ya Jakaya Kikwete,  
S.L.P 2221, DODOMA.  
Simu: +255 26-2963120  
Nukushi: +255 26-2963121  
Barua Pepe: infododoma@nhif.or.tz

## PWANI

Mfuko wa Taifa wa Bima ya Afya (NHIF),  
Ofisi ya Mkoa Pwani,  
Jengo Jipya la Hospitali ya Tumbi,  
Mtaa wa Tumbi,  
S.L.P 30438, KIBAHA.  
Simu: +255 23 2402191  
Nukushi: +255 23 2402192  
Barua Pepe: infokibaha@nhif.or.tz

## TANGA

Mfuko wa Taifa wa Bima ya Afya (NHIF),  
Ofisi ya Mkoa Tanga,  
Jengo la Old Revenue,  
Mtaa wa Swahili,  
S.L.P 5486, TANGA.  
Simu: +255 27 2645415  
Nukushi: +255 27 2645316  
Barua Pepe: infotanga@nhif.or.tz

## RUKWA

Mfuko wa Taifa wa Bima ya Afya (NHIF),  
Ofisi ya Mkoa Rukwa,  
Jengo la NHIF,  
Mtaa wa National Housing - Jangwani,  
S. L. P 225, RUKWA.  
Simu: +255 25 2800354  
Nukushi: +255 25 2800448  
Barua Pepe: inforukwa@nhif.or.tz

## TABORA

Mfuko wa Taifa wa Bima ya Afya (NHIF),  
Ofisi ya Mkoa Tabora,  
Jengo la Chuo cha Afya Sayansi Shirikishi,  
Nyuma ya Hospitali ya Rufaa ya Kitete,  
S.L.P 1654, TABORA  
Simu: +255 26 2604037  
Nukushi: +255 26 2605463  
Barua Pepe: infotabora@nhif.or.tz

## KILIMANJARO

Mfuko wa Taifa wa Bima ya Afya (NHIF),  
Ofisi ya Mkoa Kilimanjaro,  
Jengo la NSSF,  
Makutano ya Barabara ya Old Moshi na Bath/Upinde,  
S.L.P 8998, MOSHI.  
Simu: +255 27 2755143  
Nukushi: +255 27 2754264  
Barua Pepe: infomoshi@nhif.or.tz

## ARUSHA

Mfuko wa Taifa wa Bima ya Afya (NHIF),  
Ofisi ya Mkoa Arusha,  
Jengo la NSSF Kaloleni Plaza, Ghorofa ya Pili,  
S.L.P 16110, ARUSHA.  
Simu: +255 27 2520026  
Nukushi: +255 27 2545100  
Barua Pepe: infoarusha@nhif.or.tz

## RUVUMA

Mfuko wa Taifa wa Bima ya Afya (NHIF),  
Ofisi ya Mkoa Ruvuma,  
Jengo la CWT, Ghorofa ya Pili,  
Mtaa wa Zanzibar,  
S.L.P 160, SONGEA.  
Simu/Nukushi: +255 25-2602908  
Barua Pepe: inforuvuma@nhif.or.tz

## KAGERA

Mfuko wa Taifa wa Bima ya Afya (NHIF),  
Ofisi ya Mkoa Kagera,  
Jengo la CWT, Ghorofa ya Pili,  
Mtaa wa Mayunga/Uswahilini,  
S.L.P 1950, BUKOBA.  
Simu/Nukushi: +255 028 2221193  
Barua Pepe: infokagera@nhif.or.tz

## SINGIDA

Mfuko wa Taifa wa Bima ya Afya (NHIF),  
Ofisi ya Mkoa Singida,  
Jengo la NHC - Singidani Complex,  
Barabara ya Arusha,  
S.L.P 762, SINGIDA.  
Simu/Nukushi: +255 26 2502236  
Barua Pepe: infosingida@nhif.or.tz

## KIGOMA

Mfuko wa Taifa wa Bima ya Afya (NHIF),  
Ofisi ya Mkoa Kigoma,  
Jengo la NHC - Biashara House, Ghorofa ya Pili,  
Barabara ya Lumumba,  
S.L.P 1165, KIGOMA.  
Simu: +255 28 2802650  
Nukushi: +255 28 2802651  
Barua Pepe: infokigoma@nhif.or.tz

## MARA

Mfuko wa Taifa wa Bima ya Afya (NHIF),  
Ofisi ya Mkoa Mara,  
Jengo la NHC, Ghorofa ya Kwanza,  
Makutano ya Mtaa wa Ghandhi na Kusaga,  
S.L.P 1348, MUSOMA.  
Simu: +255 28 2620554  
Barua Pepe: infomara@nhif.or.tz

## IRINGA

Mfuko wa Taifa wa Bima ya Afya (NHIF),  
Ofisi ya Mkoa Iringa,  
Jengo la NHIF,  
Mtaa wa Gangilonga,  
S. L. P 2486, IRINGA.  
Simu: +255 26 270 1276  
Barua Pepe: infoiringa@nhif.or.tz

## MBEYA

Mfuko wa Taifa wa Bima ya Afya (NHIF),  
Ofisi ya Mkoa Mbeya,  
Jengo la NHIF, Ghorofa ya Kwanza,  
Barabara ya Karume,  
S.L.P 6137, MBEYA  
Simu: +255 25 2500656  
Barua Pepe: infombeya@nhif.or.tz

## ZANZIBAR

Mfuko wa Taifa wa Bima ya Afya (NHIF),  
Ofisi ya Zanzibar,  
Jengo la Makao Makuu ya ZIC, Ghorofa ya Nne,  
Barabara ya Ali Hassan Mwinyi,  
S.L.P 4888, ZANZIBAR.  
Simu: +255 24 22372247  
Nukushi: +255 24 22372242  
Barua Pepe: infozanzibar@nhif.or.tz

## MANYARA

Mfuko wa Taifa wa Bima ya Afya (NHIF),  
Ofisi ya Mkoa Manyara,  
Jengo la BAWASA, Mkabala na TRA,  
S.L.P 430, BABATI.  
Simu/Nukushi: +255 27 2510022  
Barua Pepe: infomanyara@nhif.or.tz

## LINDI

Mfuko wa Taifa wa Bima ya Afya (NHIF),  
Ofisi ya Mkoa Lindi,  
Jengo la CWT, Ghorofa ya Kwanza,  
Mtaa wa Msonobalini,  
S.L.P. 51, LINDI.  
Simu/Nukushi: +255 23 2202901  
Barua Pepe: infolindi@nhif.or.tz

## SIMIYU

Mfuko wa Taifa wa Bima ya Afya (NHIF),  
Ofisi ya Mkoa Simiyu,  
Jengo la Ngatali, Mtaa wa Salunda,  
S.L.P 471, BARIADI.  
Simu: +255 28 2700151  
Barua Pepe: infosimiyu@nhif.or.tz

## KATAVI

Mfuko wa Taifa Bima ya Afya (NHIF),  
Ofisi ya Mkoa Katavi,  
Jengo la NHC Mpanda Plaza, Ghorofa ya Kwanza,  
Mtaa wa Majengo,  
S.L.P 223, MPANDA.  
Simu: +255 25 2820147  
Barua Pepe: infokatavi@nhif.or.tz

## NJOMBE

Mfuko wa Taifa wa Bima ya Afya (NHIF),  
Ofisi ya Mkoa Njombe,  
Jengo la NSSF, Barabara ya Songea,  
S.L.P 1085, NJOMBE.  
Simu: +255 26 2782199  
Barua Pepe: infonjombe@nhif.or.tz

## GEITA

Mfuko wa Taifa wa Bima ya Afya (NHIF)  
Ofisi ya Mkoa Geita,  
Majengo ya Halimshauri (W), Bomani Drive,  
S.L.P 482, GEITA.  
Simu: +255 28 2520170; +255 735 000112  
Barua Pepe: infogeita@nhif.or.tz

## MWANZA

Mfuko wa Taifa wa Bima ya Afya (NHIF),  
Ofisi ya Mkoa Mwanza,  
Jengo la TMDA, Ghorofa ya Pili,  
Nyakato, Buzuruga,  
S.L.P 1187, MWANZA.  
Simu: +255 28 2501040; +255 737 652738; +255 737  
652700  
Barua Pepe: infomwanza@nhif.or.tz

## SHINYANGA

Mfuko wa Taifa wa Bima ya Afya (NHIF),  
Ofisi ya Mkoa Shinyanga,  
Jengo la NSSF Mafao House,  
Barabara ya Mwanza,  
S.L.P 230, SHINYANGA.  
Simu/Nukushi: +255 28 2763708  
Barua Pepe: infoshinyanga@nhif.or.tz

## MTWARA

Mfuko wa Taifa wa Bima ya Afya (NHIF),  
Ofisi ya Mkoa Mtwara,  
Jengo la NHC, Raha Leo Commercial Complex,  
S.L.P 484, MTWARA.  
Simu: +255 657 249342/ +255 752 524255  
Barua Pepe: infomtware@nhif.or.tz

## SONGWE

Mfuko wa Taifa wa Bima ya Afya (NHIF),  
Ofisi ya Mkoa Songwe,  
Jengo la Mkola, Barabara ya Tunduma,  
S.L.P 186, Mbozi, SONGWE.  
Simu: +255 25 2580156  
Nukushi: +255 25 2580157  
Barua Pepe: infosongwe@nhif.or.tz

